

Broj: 461/24
Sarajevo, 22.04.2024. godine

Na osnovu člana 100. stav (3) Zakona o javnim nabavkama ("Službeni glasnik BiH", broj: 39/14 i 59/22), a postupajući po Rješenju Ureda za razmatranje žalbi Bosne i Hercegovine broj: JN2-03-07-1-690-7/24 od 05.04.2024. godine, a na osnovu ponovno provedenog postupka ocjene ponuda Preporuke Komisije o izboru najpovoljnijeg ponuđača nakon provedenog ponovnog postupka broj: 446/24 od 19.04.2024. godine, Direktor *donosi*:


RJEŠENJE

1. Poništava se Rješenje broj: 191/14 od 16.02.2024. godine u postupku javne nabavke Mašine za čišćenje dvorane.
2. Stavlja se van snage Zapisnik o ponovnoj ocjeni ponuda broj: 177/24 od 15.02.2024. godine u postupku Javne nabavke – 97 – Mašine za čišćenje dvorane kojom je ponuđač "Bent Excellent" d.o.o Sarajevo izabran kao najpovoljniji ponuđač na osnovu kriterija "*Ekonomski najpovoljnija ponuda*".
3. Donosi se odluka o izboru najpovoljnijeg ponuđača u skladu sa Zapisnikom o ocjeni ponuda nakon ponovne e-aukcije broj: 445/24 od 19.04.2024. godine u postupku Javne nabavke – 97 – Mašine za čišćenje dvorane, Izvještajem o provedenom ponovnom postupku nabavke broj: 445-1/24 od 19.04.2024. godine i Preporukom Komisije o izboru najpovoljnijeg ponuđača nakon provedenog ponovnog postupka broj: 446/24 od 19.04.2024. godine, kojom se ugovor u postupku Javne nabavke – 97 – Mašine za čišćenje dvorane dodjeljuje ponuđaču "Kamer Commerce" d.o.o. Sarajevo na osnovu kriterija "*Ekonomski najpovoljnija ponuda*".
4. Ugovor se dodjeljuje ponuđaču "**Kamer Commerce**" d.o.o. Sarajevo u skladu sa ponudom broj: 107/24 od 30.01.2024. godine **za ponuđenu cijenu od: 14.900,00 KM, garantni rok od 24 (dvadesetčetiri) mjeseca i rok isporuke od 1 (jedan) dan.**
5. Izabrani ponuđač je dužan, da u roku od 5 (pet) dana od dana prijema ovog Rješenja, dostavi originale ili ovjerene kopije dokumentacije iz člana 45. Zakona o javnim nabavkama (ukoliko ponuđač iste nije dostavio u svojoj ponudi). Ukoliko izabrani ponuđač ne dostavi traženu dokumentaciju u određenom roku ili je dostavi na nepropisan i nepotpun način, ugovor za javnu nabavku će se dodjeliti drugorangiranom ponuđaču, u skladu sa članom 72. stav 3. Zakona o javnim nabavkama.
6. Ovo Rješenje stupa na snagu danom donošenja i dostavit će se svim ponuđačima koji su učestvovali u predmetnom postupku Javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 1216/23 od dana 22.12.2023. godine. Javna nabavka je provedena putem "**otvorenog postupka**".

Rok za prijem ponuda je određen za dan 30.01.2024. godine do 10:00 sati, a otvaranje ponuda isti dan u 11:00 sati. Ukupno je pristiglo 5 (pet) ponuda, a utvrđeno je da nije bilo neblagovremeno pristiglih ponuda.



**Javno preduzeće za upravljanje i održavanje objekata u vlasništvu Općine
Novo Sarajevo "ONSA" d.o.o. Sarajevo**

Nakon provedenog postupka i donošenja Odluke o izboru najpovoljnijeg ponuđača broj: 148/24 od 06.02.2024. godine, ponuđač "Bent Excellent" d.o.o. Sarajevo na istu izjavljuje žalbu koju Ugovorni organ usvaja i donosi Rješenje broj: 191/24 od 16.02.2024. godine te se ugovor na osnovu Rješenja dodjeljuje ponuđaču "Bent Excellent" d.o.o. Sarajevo.

Na navedeno Rješenje ponuđač "Kamer Commerce" d.o.o. Sarajevo izjavljuje žalbu koju Ugovorni organ zajedno sa izjašnjenjem prosljeđuje Uredu za razmatranje žalbi Bosne i Hercegovine.

Ured za razmatranje žalbi Bosne i Hercegovine je svojim Rješenjem broj: JN2-03-07-1-690-7/24 od 05.04.2024. godine uvažio navedenu žalbu, poništava Rješenje Ugovornog organa broj: 191/24 od 16.02.2024. godine i vraća predmet Ugovornom organu na ponovni postupak.

Komisija za provođenja postupka javne nabavke, imenovana Odlukom Direktora Preduzeća broj: 1217/23 od 22.12.2023. godine, je ponovnim pregledom i ocjenom ponuda, a na osnovu Rješenja Ureda za razmatranje žalbi Bosne i Hercegovine broj: JN2-03-07-1-690-7/24 od 05.04.2024. godine, utvrdila da su ponude ponuđača:

- 1) "Nexis" d.o.o Sarajevo, iznos: 15.860,00 KM, garantni rok: 25 mjeseci, rok isporuke: 30 dana,
- 2) "Prox" d.o.o Blažuj, iznos: 16.000,00 KM, garantni rok: 12 mjeseci, rok isporuke: 30 dana,
- 3) "Kamer Commerce" d.o.o Ilidža, iznos: 15.980,00 KM, garantni rok: 12 mjeseci, rok isporuke: 7 dana
- 4) "Imanager" d.o.o Sarajevo, iznos: 16.000,00 KM, garantni rok: 30 mjeseci, rok isporuke: 10 dana.

, kvalifikovane i prihvatljive, te kao takve su unesene u informacioni sistem Agencije za javne nabavke za ponovno provođenje e-aukcije.

Utvrđeno je i da je ponuda ponuđača "Bent Excellent" d.o.o. Sarajevo odbačena obzirom da nije u skladu sa tenderskom dokumentacijom 1218/23 od 22.12.2023. godine, a kako je i navedeno u Rješenju Ureda za razmatranje žalbi broj: JN2-03-07-1-690-7/24 od 05.04.2024. godine, jer numerisanje stranica nije izvršeno u skladu sa tenderskom dokumentacijom.

Poništena je prethodna e-aukcija i ponovna e-aukcija je zakazana za 19.04.2024. godine u 10:00 sati. Zakazana e-aukcija je provedena u zakazano vrijeme, a rezultati e-aukcije su kako slijedi:

R.b.	Naziv ponuđača	Konačna cijena u KM bez PDV-a	Umanjenje cijene	Konačni garantni rok Mjesec (i)	Konačni rok isporuke Dan (a)	Konačni broj bodova	Konačni rang
1.	Kamer Commerce d.o.o.	14.900,00 KM	6,76 %	24	1	83,72	1
2.	Imanager d.o.o.	15.600,00 KM	2,50 %	30	1	83,58	2
3.	Prox d.o.o.	12.500,00 KM	21,88 %	12	9	76,66	3
4.	Nexis d.o.o. Sarajevo	14.680,00 KM	7,44 %	36	25	75,20	4

Komisija za javne nabavke je na osnovu ponovno provedenog postupka javne nabavke dana 19.04.2024. godine, dostavila direktoru JP "ONSA" d.o.o Sarajevo Preporuku za izbor najpovoljnijeg ponuđača broj: 446/24, zajedno sa Zapisnikom o ocjeni ponuda nakon ponovne e-aukcije broj: 445/24 od 19.04.2024. godine u postupku Javne nabavke – 97 – Mašine za čišćenje dvorane i Izvještajem o provedenom ponovnom postupku nabavke broj: 445-1/24 od 19.04.2024. godine

Cijeneći navedenu rang listu nakon ponovno održane e-aukcije i kriterij za vrednovanje, ugovor za javnu nabavku – 97 – Mašina za čišćenje dvorane se dodjeljuje ponuđaču:



*Javno preduzeće za upravljanje i održavanje objekata u vlasništvu Općine
Novo Sarajevo "ONSA" d.o.o. Sarajevo*

"Kamer Commerce" d.o.o. Sarajevo

sa ukupnom cijenom ponude u iznosu od:

14.900,00 KM

(slovima: četrnaesthiljadadevetstotina i 00/100 KM) bez uračunatog PDV-a,

i sa rokom isporuke od **1 (jedan) dan**, te garantnim rokom od **24 (dvadesetčetiri) mjeseca**, odnosno prvoplasiranom na rang listi, jer ima najveći ukupan broj bodova.

Iz navedenih razloga, primjenom člana 64. stav 1. tačka b, člana 25. i člana 70. stav 1., 3. i 6. Zakona o javnim nabavkama ("Službeni glasnik BiH", broj: 39/14 i 59/22), Pravilnika o javnim nabavkama broj: 1209/23 od 21.12.2023. godine, rješeno je kao u dispozitivu.

Po okončanju roka za žalbu, Ugovorni organ će pozvati odabranog ponuđača na zaključenje ugovora kojim će se regulisati međusobna prava i obaveze vezane za predmetnu nabavku shodno nacrtu ugovora datom u tenderskoj dokumentaciji.

POUKA O PRAVNOM LIJEKU: *Protiv ovog Rješenja moguće je izjaviti žalbu, najkasnije u roku od 10 (deset) dana od dana prijema ovog Rješenja. Žalba se izjavljuje ugovornom organu, kao prvostepenoj instanci u žalbenom postupku, u pisanoj formi i najmanje 3 (tri) primjerka.*



Direktor

Anel Fahirbegović
Anel Fahirbegović

Dostaviti:

1. Ponuđaču: "Kamer Commerce" d.o.o. Ilidža,
2. Ponuđaču: "Bent Excellent" d.o.o. Sarajevo,
3. Ponuđaču: "Prox" d.o.o. Blažuj,
4. Ponuđaču: "Nexis" d.o.o. Sarajevo,
5. Ponuđaču: "Imanager" d.o.o. Sarajevo,
6. Službi za finansije, računovodstvo i javne nabavke,
7. Oglasna ploča,
8. a/a.